

عايزك يا صاحبي تكون مثال للأدب والزوق ومحاسن الأخلاق..
دا في الحديث الشريف والكتاب العزيز مذكوره وملاحم الشعراء..
وإن جيت تحقق طموحك والناس تحبك لروحك الرك ع الأخلاق..
وإنسان بلا أخلاق حيكوم دخيل ع الحياه ومالوش مكان بينا..
دا أخلاق المرء عنوانه ودليل نجاحه وفلاحه في كافة الأشياء..

إصحي يا بو الكرام .: بمناسبة الصيام..
أنا جاي لك م الأمام .: إسمعني تستفاد..
...

زناتي بنفسه جالك .: اصحي له وخلي بالك..
أخلاقك رأس مالك .: علمها للولاد..
...

في البيت وفي المدارس .: خليك عليها حارس
تحميك من الكوارث .: والحق والعناد
...

أخلاقك تبقي غايتك .: تحميك وتعلّي رايتك
وتبقي حلوه سيرتك .: ما بين كل العباد..
...

واصحي للأخلاق

ووجد الرزاق

زناتي المسحراتي

رمضان كريم يا ناس .: في دوري أو في كاس
أخلاق الناس أساس .: من غير زلط وطوب

...

في أي ماتش كوره .: أخلاق الناس ضرورة
نبان في أحلي صورة .: قدام كل الشعوب

...

في بلدنا في مدنها .: أخلاقنا لازم نصونها
واللي ح يعيش بدونها .: إنسان مليون عيوب

...

وأما الأخلاق بتعلي .: حياتنا تبقي أحلي
ونكسب كل جولة .: في الغرب في الجنوب

...

واصحي للأعصاب

ووحدهم التواب

...

أخلاق بينا محمد في الدعوة للغسلام لازالت مضرب الأمثال..
واسأل كمان ع القمم سرف بقاء الأمم أخلاقها في كل مجال..
بند ف قانون الأدب أخلاقيا يا أهل لعجب مهوش كلام يتقال..
أخلاقنا فعل وعمل تغذي الفؤاد والروح زي ما قال جدي..
أخلاق في دينه تزينه تعينه دايماً تصونه من كل شيء بطل..

رمضان كريم يا سيد .: أخلاقك نوعها جيد
ياريت معاك نعيد .: دا يبقي أحلي عيد

...

لو الخلق الجميلة .: نلاقها في كل عيله
حنعيش أيام جميلة .: مفهاش إنسان عنيد

...

أخلاق المرء رايته .: قدام الناس مرايته
بتبان لك فيها صورته .: لو شفته من بعيد

...

تصاحبه كمان لأنه .: أخلاقه حقه منه
الناس في حسن ظنه .: إدعي له يا شيخ وحيد

...

إلهي يعلي شأنه .: علشان جميل في رأيه
أخلاقه من مبادئه .: وبعلمه كمان يفيد

...

زناتي المسحراتي

واصحي للأخلاق

ووجد الرزاق

...

اصحي يا بو المحاسن .: ياللي ف شارعنا ساكن

وفينكل المحاسن .: أخلاق أدب وذوق

...

في القلب لك مكانك .: حافظ مقام لسانك

وبتعامل جيرانك .: باحلسني وبالهدوء

...

حلوة يا عم جيرتك .: بالخير بنجيب في سيرتك

مع جارك اللي تحتك .: وجيرانك اللي فوق

...

بأخلاقك يستباركوا .: وف أفرحك يشاركوا

ويجوا كمان يباركوا .: في جوازا بنك فاروق

...

أخلاقك واضحة فيك .: رمضان كريم عليك

أنزل لي أبوس إيديك .: بمحبة وأحلي شوق



عايز تكون محبوب إنسان جميل مرغوب والناس كثير تهواك..
مفيش مشاكل تواجهك والناس تجي لك تجاملك ويفرحوا لرؤياك..
وتلاقي راحتك وذاتك وتعيش سعيد طول حياتك والعيب كمان عداك..
وتوصل نهاية منك وتعيش خلي البال تبقي مفيش زيك..
خلي إيمانك رصيدك عشان حياتك تفيدك أخلاقك تكون سباقك..

واصحي للأخلاق..

ووجد الرزاق

